



Swydd Ddisgrifiad

Teitl y swydd:	Swyddog Ieuenctid Bro Morgannwg	Lleoliad:	Ysgol Bro Morgannwg
Adran:	Ieuenctid a Chymuned	Cyflog:	Gweithredol 3: £25,690 - £28,006 y flwyddyn
Oriau Gwaith:	Llawr amser (35 awr yr wythnos)	Cytundeb:	Tymor penodol – tan Mawrth 2026 i ddechrau
Yn adrodd i:	Rheolwr Cymunedol y De	Rheolaeth Llinell:	Dim

Prif bwrpas y swydd:

Darparu ac ymestyn, dan gyfarwyddyd y Cyfarwyddwr, gynnig gwaith ieuenctid cyfrwng Cymraeg i bobl ifanc yn seiliedig ac yn unol a thargedau yr Awdurdodau Lleol a'r Urdd.

Bydd cynnig gwaith ieuenctid yr Urdd yn:

- Gyfoes ac yn adlewyrchu gofynion pobl ifanc trwy wrando ar eu llais.
- Cyfrannu at ddatblygiad personol a chymdeithasol pobl ifanc Cymru o bob cefndir cymdeithasol.
- Ysbrydoli pobl ifanc i ymwneud a'r Gymraeg, gan ddatblygu hyder pob person ifanc i ddefnyddio'r Gymraeg.

Bydd cynnig gwaith ieuenctid yr Urdd yn cyd-asio gyda *Strategaeth Gwaith Ieuenctid Llywodraeth Cymru a Gwaith Ieuenctid yng Nghymru: Egwyddorion a Dibenion*.

Prif ddyletswyddau a chyfrifoldebau:

Darparu a hwyluso cynnig gwaith ieuenctid (oed 11-25). Y cynnig i gynnwys:

1. Trefnu gweithgareddau amrywiol a digonol sydd yn denu pobl ifanc tu allan i oriau ysgol. Bydd hyn yn cynnwys Clybiau, Gweithdai a Theithiau amrywiol yn ystod y nos, penwythnosau a gwyliau.
2. Cydweithio gyda Gwasanaeth Ieuenctid Bro Morgannwg i sicrhau ein bod yn mapio holl waith ieuenctid cymunedol cyfrwng Cymraeg ac adnabod bylchau. Bydd gofyn i drafod gyda partneriaid amrywiol a phobl lleol.
3. Hyrwyddo y gwaith o fewn ysgolion Uwchradd ac chynnig cyfleoedd i ddysgwyr.
4. Cynorthwyo a chefnogi pobl ifanc i fod yn wirfoddolwyr ifanc.
5. Sefydlu fforwm ieuenctid i sicrhau bod llais pobl ifanc yn cael lle blaenllaw wrth gynllunio at y dyfodol ar y cyd gyda'r Swyddogion Cymunedol.



6. Cefnogi aelodau i gynrychioli'r mudiad mewn digwyddiadau.
7. Ehangu amrywiaeth sy'n ymwneud gyda'n gwasanaeth o ran LGBT, anabledau, anghenion ychwanegol a chyfleoedd i aelodau o fewn ardaloedd difreintiedig.
8. Datblygu partneriaethau a mynychu cyfarfodydd gyda chyrff a sefydliadau allanol er mwyn cynnig cyfleoedd newydd ac amrywiol yn y Gymraeg i bobl ifanc yn enwedig gyda'r Awdurdodau sydd yn ariannu y gwaith.

Gwaith Trawsadrannol:

1. Ar gais y cyfarwyddwr, cyfrannu at a gweithredu prosiectau a rhaglenni trawsadrannol.
2. Cynnig cyfleoedd a phrofiadau Awyr Agored (ar y cyd gyda'r adran AA).
3. Cynorthwyo'r Swyddog Cymunedol i staffio Eisteddfodau a gweithio yn ystod wythnos Eisteddfod Genedlaethol yr Urdd pan yn y Gogledd.

Gweinyddol:

1. Dilyn trefniadau cynllunio, casglu data a mesur effaith yr Urdd gan baratoi adroddiadau a chasglu tystiolaeth i ddangos gwerth cynnig ieuencid yr Urdd.
2. Rheoli cyllideb ar gyfer gweithgareddau'r ardal, gan gynnwys codi arian tuag at y targedau ariannol.
3. Cyfrifoldeb o farchnata effeithiol o'r gwaith ar draws nifer o gyfryngau ynghyd a sicrhau bod cynnwys ieuencid ar wefan yr Urdd fyny i ddyddiad ac yn berthnasol.
4. Dilyn a chydymffurfio at holl weithdrefnau a pholisïau'r Urdd.
5. Unrhyw ddyletswyddau rhesymol fel y bydd yn ofynnol gan y Cyfarwyddwr.

Manyleb y person a'r meini prawf: Cymwysterau, sgiliau a phrofiad

Nodiadau i ymgeiswyr:

- I ymgeisio, mae'n rhaid llenwi'r ffurflen gais yn llawn, gan roi enghreifftiau i gefnogi eich atebion. Mae'n rhaid i chi ddangos eich bod yn cwrdd â'r holl feini prawf hanfodol i gael eich cynnwys ar y rhestr fer.
- Ar ôl y dyddiad cau, ni fydd yr hysbyseb swydd hon ar gael ar ein Gwefan, felly cofiwch gadw copi ar gyfer eich cofnodion.



Hanfodol:

1. Bod yn hyderus i gyflwyno wybodaeth o flaen grwpiau mawr ar lein ac wyneb yn wyneb.
2. Profiad o weithio gyda Phobol Ifanc.
3. Rhaid meddu ar sgiliau cyfathrebu da yn y Gymraeg a'r Saesneg.
4. Rhaid bod ag ymwybyddiaeth o ddelfrydau ac amcanion Urdd Gobaith Cymru a gweledigaeth parthed lledaenu'r iaith Gymraeg i blant a phobl ifanc Cymru.
5. Person brwdfrydig, egniol, a chreadigol i godi diddordeb yng ngweithgareddau'r Urdd yn y rhanbarth.
6. Bod â thrwydded yrru llawn a defnydd o gar.
7. Profiad o drefnu a chydlynu prosiectau.
8. Bod a phrofiad o ddefnyddio platfformau digidol i gynnig gweithgareddau i blant a phobl ifanc a defnyddio'r cyfryngau cymdeithasol i hyrwyddo gweithgareddau.

Dymunol:

1. Profiad a/neu gymhwyster mewn gwaith ieuenctid (cynigir cwrs penodol Agored Cymru Lefel 2 sydd yn arwain at gwblhau Tystysgrif Lefel 3 Ymarfer Gwaith Ieuenctid 3 onid yw'r ymgeisydd llwyddiannus eisoes yn meddu'r cymhwyster neu gymhwyster gwaith ieuenctid uwch).
2. Bydd dealltwriaeth o hawliau pobl ifanc a'r CCUHP (UNCRC) yn ddymunol ar gyfer y swydd hon.
3. Byddai ymwybyddiaeth o gynnwys y cyhoeddiad 'Gwaith Ieuenctid yng Nghymru: Egwyddorion a Dibenion yn ddymunol ar gyfer y swydd hon.

Newidiadau i'r Swydd Ddisgrifiad: Gall y disgrifiad swydd hwn newid neu gael ei ddiwygio ar unrhyw amser ar ôl ymgynghori â deiliad y swydd.

Hyblygrwydd: Tynnir eich sylw at y ffaith fod dyletswyddau a chyfrifoldebau penodol mewn rhai achosion yn anodd eu dadansoddi yn fanwl a gallent newid o dro i dro heb newid cymeriad cyffredinol y dyletswyddau na lefel y cyfrifoldeb.

Yn ychwanegol, mae'n ofynnol i bob aelod o'r staff dderbyn elfennau o hyblygrwydd yn eu dyletswyddau a'u cyfrifoldebau, a phan fo angen, cyfnewid er mwyn cyfarfod anghenion a gofynion y gwasanaeth sy'n newid yn barhaus. Bydd angen o'r fath yn galluogi i arbenigedd penodol y deilydd dyfu a datblygu er lles y cyflogwr a'r gweithiwr.

Adolygiad: Cyhoeddwyd y disgrifiad swydd yma ym mis Mehefin 2023 ac fe'i hadolygir yn gyson fel rhan o ddatblygiad yr unigolyn, ynghyd ag adolygiad perfformiad.

Bydd angen i'r ymgeisydd llwyddiannus feddu ar drwydded yrru llawn ac yswiriant priodol sydd â sicrwydd ar gyfer defnydd busnes.

Gwiriadau Perthnasol: Bydd yn ofynnol i'r ymgeisydd llwyddiannus gael ei wirio gan y Gwasanaeth Datgelu a Gwahardd (GDG).